

軍戶田土賣過與人年遠者不許妄告爭

奪

成化二年三月初四日戶部左侍郎李等

題為建言民情事准禮部咨成化二十二年月日不第
於禮科抄出吏部等衙門聽選官過亮等建言
民情事件該通政使司官奏合着禮部抄出
會官議奉

聖旨是欽此欽遵會同各部都察院通政使司大理寺六科
給事中議得數內五十九件合准所言宜從吏部
等衙門查勘定奪施行未敢擅便照例成化
二十二年二月二十一日早各官奏奉

聖旨照例欽此欽遵照得聽選官何源所言一件原籍人民
自洪武二十二年間以丁糧三戶桑克與隆衛

軍輪流應當有因家道貧乏起程赴衛之際船
纒缺乏及有在衛艱難逃回將田地絕賣與人
造冊過割五六十一年者有三四十年者後或正軍丁
盡或左右貼軍戶絕或全戶赴衛當軍轉逃別處
潛住近年以來有等奸詐之徒見得本處先年
因被兩廣苗賊越境流却人民多被燒毀及遺
失買地契約乘機將絕逃軍人原賣過割明白田
地有正軍攬稱收承左右貼軍田畝者有貼軍妻
作收承正軍地土者連年告事不已首司不辯曲直
朦朧斷給與軍或勒買田之人津貼軍裝以到一
槩做做詞訟蜂起民被攬擾其至結成讐言恨懷
記在心到衛賄屬官吏將買田之家兒男捏作出繼
入贅名色輒便徑行有司勾擾其弊甚大深為

民患嗟怨衝天致傷和氣因而旱澇相仍致災之
由悉在如此